

先秦—清末



《中國野史集成》編委會

四川大學圖書館

編

中國野史集成

錢謙題



《中國野史集成》編委會
四川大學圖書館 編

	中
集	國
成	野
②	史

先秦—清末

巴蜀書社

目 錄 (第二冊)

三十國春秋輯本·····	一
蕭方等三十國春秋·····	九
武敏之三十國春秋·····	十
十六國春秋(卷一—卷七十五)·····	十

廿國春秋 輯本

蕭方等三十國春秋

常璩蜀李書 和苞漢趙記 田融趙書
吳篤趙書 王度后傳 范亨燕書
車頓秦書 王景暉南燕書 裴景集秦記
姚和都後秦記 張治涼記 俞歸西河記
段龜龍涼記 劉炳燧煌實錄
張詮南燕書 高閭燕志

蕭方等三十國春秋

彭縣湯球輯

魏嘉平元年魏帝謁陵曹爽及弟義訓彥皆從高祖命授兵召公卿於廟堂奏皇太后廢爽丁酉斬爽義訓彥夷三族御覽六百四十七

文帝器重魏舒而舒不為人知晉吏部郎魏衡謂姪舒曰汝後得為小縣長舒曰堪為八百戶長將老嫂入官舍即斯願畢矣御覽五百十七

鍾會薦於文帝曰裴楷清通裴楷常建為別宅宅甚美麗楷兄欲之楷別讓之其性有大度皆斯類也御覽五百十六

泰始四年策免石苞官通鑑吳紀

蕭方等三十國春秋

廣雅書局

五年二月以羊祜都督荊州鎮襄陽時祜有平吳之志方樹基址擢王濬為巴郡太守將委以巴峽之任祜兄子暨謂祜曰觀濬為人志大者侈不可專任祜曰有大才必可用也識者曰祜可謂能舉善矣知人則哲叔子之謂乎御覽五百十二

晉泰始五年夏四月地震大疫上命醫以馴馬小車馳救療醫

泰始七年吳建衡三年吳孟仁卒吳司徒孟宗少從南陽李肅學母為作厚褥大被或問故曰小兒無德可容而學者多貧故為廣被可得氣類相接也御覽五百十一

泰始八年二月武紀在七年七月以賈充為都督秦涼二州事通鑑吳紀

八年十一月賈充與朝士宴飲庾純醉與充爭言詔免純官通鑑

晉紀

八年衛瑾以太子昏愚不堪為嗣欲感而未敢上

咸寧元年吳天冊元年孫皓納張布女有寵而死厚葬之民有訛言

遂誅吳熙并殺章安侯孫皓上

四年吳天紀二年吳收張尚岑昏等泥頭請代尚死尚得免死徙廣

州上

四年羊祜卒羊祜年十五而孤事伯母蔡氏以孝聞蔡氏每歎

曰羊叔子可謂能養今顏叔子也其諸葛孔明之亞乎御覽五百十三

五年十一月晉大舉伐吳吳王皓聞師之將興也乃使劉惔守

牛渚使張悌造攻車於戲場御覽五百三十六

太康元年杜預與眾軍會議或曰百年之寇未可盡克方春水

蕭方等三十國春秋

生難於久駐杜預傳作今向暑水潦方降疾疫將起宜俟來冬

更為大舉通鑑紀異

元年四月甲子王渾斬張悌丙寅吳殺岑昏與何植書庚午送

降書壬申濬入石頭甲申封歸命侯五月丁亥至洛陽通鑑紀異

王濟嘗與武帝基濟伸脚在局下因問皓曰聞君生剗人面皮

何也皓曰見人臣無禮於其君者則剗之武子大慙遂縮脚御覽三百七

元康元年楚王瑋矯詔召三十六軍太康之初吳寇新珍未盈

一紀干戈已尋蟻蝨生於甲冑燕雀處於帷幄御覽三百五十五

元康四年七月傅咸為司隸五年五月始親職十月卒通鑑紀異

四晉書本

元康五年閏月依通鑑晉武庫失火漢高祖斬蛇劍穿屋而飛

此三十國史乃刊為正言史通諸晉史云異苑補如

元康八年李特就殺入蜀通鑑紀異

晉永康元年正月大會有鳩入御坐武帳中拂司空張華之冠

初學記

永康元年中台星拆張華子隲勸華遜位不從張華善天文解

望氣元康初嘗與鄱陽雷孔章共夜登樓而見一氣起牛斗間

華謂孔章曰此何氣也對曰其寶劍乎初學記二十四

永康元年孫秀議加趙王倫九錫劉頌曰昔漢之錫魏魏之錫

晉皆一時之用非可通行周勃霍光其功至大不聞有九錫之

蕭方等三十國春秋

命倫黨大怒謀害頌頌懼自殺通鑑紀異

二年倫將篡位義陽王威執詔示嵇紹曰聖上法堯舜之舉卿

其然乎紹厲聲曰有死而已終不有二威怒拔劍而出及惠帝

遷於金墉城唯紹固志不渝從直於金墉絕不通倫時人皆為

之懼通鑑紀異

齊王同謀討趙王倫未發會離狐王盛潁川處穆聚眾於濁澤

百姓從之以萬數倫以其將管襲為齊王軍司討盛穆斬之

同因收襲殺之通鑑紀異

永寧元年即永康二年也正月張軌出為涼州刺史以陰澹等為謀主

索統善占夢潛從求占晝令狐策夢立冰上與冰下人語索統

曰冰上為陽冰下為陰冰上人與冰下人語為陽請陰媒介事

也士如歸妻迨冰未泮君其為人作媒平策曰老夫耄矣不為媒矣既而太守田約因策為子求張氏女恰至仲春而成婚

案此引作崔鴻二十國春秋

永寧元年齊王同輔政辟劉殷為祭酒劉殷字長盛七歲喪其父哀毀逾禮曾祖母王氏盛冬思慕殷入澤中慟哭有董生得解餘御覽九百八十

永寧元年王粲王與謀廢同事覺八月詔廢粲為庶人誅與三族徙粲於上庸殺之通鑑攷異晉紀

太安一年正月李特僭位改年通鑑攷異晉紀七

二年十月成都王穎禦長沙王又於建春門陸機取遁走穎誅機及弟雲夷二族機吳人而在寵族之上人多惡之成都王璧

蕭方等三十國春秋

四 廣雅書局宋

人孟玖素不怙於雲及機建春門之敗機眾多喪羣秀譖之於

穎言機持兩端孟玖復構之於內使牽秀斬機初機之專征請孫承為後軍司馬至是收承下獄考捶數百兩踝骨見終言機

冤吏知承義烈謂承曰一陸之痛誰不知枉君何不愛身承仰天嘆曰陸君兄弟世之奇士有願於吾吾不能濟死復相誣

非吾徒也乃夷三族承門人費慈自詣穎明承之冤承喻之曰吾惟不負一陸死白吾分卿何為爾耶慈曰僕又安可負君而

求生乎固明承冤玖又疾之亦并見害御覽四

通鑑攷異

二年十二月殺長沙王又晉紀七

永興元年成都王穎誅黃門孟玖於是東海王越高密王簡略皆懼奔國瑯琊王睿又將出焉而微禁甚密穎又先下諸津

禁止諸貴人王至河陽乃見拘焉宋典後至以鞭拂之曰舍長官禁貴人而爾見止原作耶因大笑之吏乃放遣因得奔國

三百五十九

永興元年十月李雄自稱成都王劉淵自稱漢王通鑑攷異

晉紀

懷帝

永嘉四年漢劉聰光興元年氏蒲洪自稱昭陽公前秦蒲洪父懷歸為部落小帥其母姜氏因寢產洪驚悸而寢御覽三百

永嘉五年蜀主李雄攻譙登於涪城無救援登固守不下士卒皆燻鼠食之一無叛者御覽三百二十

蕭方等三十國春秋

五 廣雅書局宋

永嘉五年成玉衡元年漢嘉平元年漢昭洛陽遷帝於平陽聰以帝為平阿公明年二月乃封帝會稽公通鑑攷異

永嘉六年劉聰引上入譙謂上曰卿為豫章王時朕與王武子相造卿贈朕以柝弓銀硯卿憶否上上字原曰安政忘之且恨誤作聰

爾日不得早識龍顏初學記

王敦謀害王澄而澄眾有二十人持鐵馬鞭為衛同上

漢趙置殷衛等州前趙殷州刺史杜廣初為劉景旆卒以馬肥良引為直士侍立通夜未曾休倦景因問之廣流涕申款有章條景執其手曰吾罪人也久負賢者謂妻曰為女求夫不覺廢

中有麒麟於是妻之御覽五

愍帝

愍帝名子業或作業通鑑攷異

建興二年三月癸酉石勒取幽州壬午勒晨至薊通鑑攷異

建興四年漢麟嘉元年丙寅丞相睿斬都運令史滔于伯於建

康於是刀拭柱血逆流至二丈三尺下四尺五寸其直如絃

御覽四百四十六

建興四年漢劉聰子約卒漢大將軍東平王約漢王聰戲之曰

汝誦何古味何句也約曰臣誦孝經每咏身體髮膚受之父母

不敢毀傷至於在上不驕尚而不危未嘗不反覆誦之聰大悅

御覽六百一

元帝

建武元年涼趙韓璞伐漢初永嘉中童謠云秦川中血沒腕唯

諸方等三十國春秋

六

有涼州倚觀郭茂倩樂府八十八

李矩降劉陽而襲擊之劉陽少驍猛甚有勇力手曳牛尾卻行

百步御覽四百

大興元年漢劉曜光初元年漢主聰卒子纂立新華賦之復殺

王延王延九歲喪母行孝自問後母卜氏御之無道延事彌謹

卜常取蒲葢敗麻與之晝衣延知而不言卜冬月杖之流血令

求生魚延叩冰慟哭而得與之卜乃心悟撫之如所生也御覽五百

大興元年蒲洪降劉曜通鑑攷異

大興三年涼張茂永元元年後趙石勒二年石勒遣石良率精

騎五千掩李矩營生執矩外甥郭誦之弟元教元作書與誦說

云去年東平曹凝西賓倚盧矩如牛角何不歸命勒與誦書餉

摩尾馬鞭說賓禮賢弟相同斷金往物為信矩所領將士並欲

歸勒矩知眾之去已乃率眾來歸御覽三百五十九

大興四年王敦令郭璞筮卦曰明公起事禍必不久敦怒曰卿

壽幾何曰命盡日中引出斬之璞曰當何之曰南山之首曰我

知之矣必在雙柏之間乎時有鵠巢而甚茂同上九百五十四

永昌元年五月王敦殺甘卓甘卓將被誅引鏡不見其頭御覽七百

七十

明帝

太寧元年陳安奔隴城前趙將劉賁馳將追之石虎止賁曰窮

寇歸兵不可迫也我士卒連勝皆已怠矣以驕急之卒當致死

之眾恐無萬全之利賁曰不然彼銳氣盡矣眾心乖阻人懷苟

蕭方等三十國春秋

七

免莫有圖志我卒乘猛氣甚盛皆一當十豈其衰沮之餘所能

抗也賁躬先士卒戰輒敗之遂圍安於隴城御覽二百九十九

成帝

晉咸和二年溫嶠與陶侃起義兵伐蘇峻帥師四萬直指石頭

侃泊加子洲御覽六十九

年峻兵犯閭蘇峻作逆領軍卞壺以王師敗績遂單騎赴難

子眇眇隨之但歿母裴氏撫屍而哭曰父為忠臣子為孝子

大何恨乎微士翟陽聞之歎曰父死於前子歿於後忠孝之道

卒於一門可謂賢矣御覽五百一十五

溫嶠等入討峻遷帝於石頭殷羨之勸趨石頭光祿勳殷羨之

溫嶠等入討峻遷帝於石頭殷羨之勸趨石頭光祿勳殷羨之

還豫章貴游多憑寄書羨之至板橋投書於江曰沉者自沉浮
者自浮殷洪喬不能作致書郵初學記六

咸和五年趙建平元年江州刺史劉楨自武昌以有疾被徵為

右將軍而王舒未至楨在盆口後將軍郭默旋而過楨不禮之

楨曰遺默酒五升使一頭默大怒投之於江遂與故將張丑宋

侯孟純等矯詔入城門莫有禦者楨獨與其妾寢默至斬於牀

下及其司馬張滿參軍荀楷李翼傲默故也御覽三十三

咸和九年以庾亮都督江荆等州王隱始成晉書合八十八卷

家貧無紙未成其志遂南遊投陶侃於荊州又江州投庾亮乃

獲其紙墨始書就焉初學記二十一

咸和九年石虎卽位改元永熙通鑑攷異晉紀十七

蕭方等三十國春秋

八

咸康三年石虎僭稱趙天王趙成公段作庭燎於杠末上盤置

燎下盤置人咸康三年正月趙懷安等上尊號庭燎油灌下盤

死者二十餘人載記作七十趙王虎惡之腰斬成公段通鑑攷異晉紀十七

康帝

穆帝

永和元年趙造微車千乘石季龍將微輒冠金鏤之帽御覽六十八

永和二年李漢嘉寧元年涼張重華永樂元年九月燕殺慕容翰通鑑攷異晉紀十九

永和三年趙將麻秋命黑契龍騰三千人馳擊謝艾軍艾左右

擾動李偉勸艾乘馬艾不從乃下踞胡牀而麾眾趙人以爲有

伏懼而不進通鑑四十六

永和五年趙以謫宰高力等戍涼州定陽人梁嶺因民心怨趙

也謀兵東還嶺自稱大將軍率眾攻下辦剋之擄軍人等高力皆

多力善射一當十餘雖無甲兵所在略百姓大斧施一丈柯攻

戰若神擬向崩潰御覽二百九十九

永和六年魏冉閏永興元年趙石祗永寧元年閏正月通鑑攷異晉紀二十

三月趙新興王祗卽皇帝位同

永和八年燕慕容儼元璽元秦主苻健皇始二年並稱帝姚襄

來歸姚襄南至黎陽與高昌李歷戰於麻田馬中流矢死弟萇

下馬授襄口汝何以自免萇曰但令兄濟此豎子何敢害萇會

救至俱不死御覽二百二十五

蕭方等三十國春秋

九

姚襄單騎度淮見豫州刺史謝尚於壽陽幅巾以待之一面如

舊相識御覽四十八

永和十年涼張祚和平元年僞前梁高作張重華張琚在梁州

欲誅西河張祚祚廐馬數十匹同時皆無尾未幾祚遇禍獨異

升平四年燕主暕建熙元年朝廷間慕容儼死曰中原可圖矣

桓溫曰慕容恪在其憂方大史通按報

哀帝

帝奕海西公

太和六年十一月被廢桓溫使劉享後魏書收帝璽綬通鑑攷異晉紀

簡文帝

孝武帝

太元元年涼亡涼天水太守史稜暴疾死五日而蘇云見涼光

殿皆生白瓜及秦使梁熙滅涼小字白瓜也事類賦注

太元二年秦平諸國後示人以侈置左右鎮郎及拂蓋郎申香

為拂蓋郎長一文九尺御覽記

秦王苻堅懸珠簾於正殿以朝羣臣宮宇服御物極珍飾之奇

尚書金部郎裴元略諫曰願陛下遵采椽之不斲鄙瓊室而不

居堅笑曰非卿之忠朕何由聞過乎御覽四百五十六

蕭方等三十國春秋

太元四年秦以苻洛為益州牧苻洛雄勇多力猛氣絕人坐制

奔牛射洞槍目苻堅深憚之故常為邊守御覽四百三十六

太元八年秦大舉入寇秦王堅下書曰吳人敢恃江山偕稱大

號輕率犬羊屢窺王境朕將巡狩省方登會稽而朝諸侯復禹

績而定九州今主師所擬必有征無戰伐國存君義同一體御覽

太元九年燕慕容垂元年後秦姚萇白雀元年慕容垂攻鄴苻

不遣其從弟就御覽引作龍恩請救乃遣謝玄青銅鏡黃金婉轉繩

等以之為信御覽記七百七十五

太元十七年以殷仲堪為荊州刺史晉黃門郎殷仲堪遊於江

濱見流瑄於水乃接焉旬日之中前門之溝忽起為岸是夕有

人通夢於仲堪自稱徐伯感君之惠無以報仲堪因問門岸為

何祥乎對曰水中之岸其名為洲君將為洲也言終而沒御覽五百一十五

太元二十一年燕慕容寶永康元年魏皇始元年涼呂光龍飛

元年後燕慕容垂遣其子寶步騎七萬伐後魏戰於參合陂大

敗寶以數千騎奔免士眾還者十一寶恨參合之敗屢言魏

有可乘之機由是率大眾伐魏至參合見往年戰處積骸如

山設弔祭之禮死者父兄一時號哭軍中皆慟垂慟憤嘔血因

而寢疾卻還道卒御覽三百二十三

安帝

隆安元年南涼秃髮烏孤太初元年北涼段業神璽元年烏孤

蕭方等三十國春秋

稱西平王後涼秃髮烏孤七世祖壽闡之在孕也母夢一老父

被髮左衽乘白馬謂曰爾夫雖西移終當東歸至京必生貴男

長為人主言終胎動而寢後因寢生壽闡被中御覽三百六十一

秃髮為號壽闡為名御覽三百六十一

涼沮渠蒙遜叛據金山沮渠蒙遜其先世為匈奴左沮渠因以

官為氏少牧羊臥息田畔忽見沙門以手摩其頭曰爾後當王

此土不久苦焉言終而滅同上八百三十六

隆安二年燕慕容盛建平元魏天興元年慕容德元年燕蘭汗

祗寶盛子太原王奇起兵於外

燕金紫光祿大夫高平公歆初歆伯父在光祿大夫熙拊歆首

而告之曰汝儀容偉茂志節果當有佐命之功願吾門者必汝

也御覽五
百七十二

隆安二年燕長樂元年秦弘始元年涼呂纂咸寧元年南燕慕容德傳檄青州燕徵其東萊太守王鸞鸞身長九尺腰帶十圍貫甲跨馬不振鞍由證燕王德見而奇其魁偉賜之食一進一斛餘德驚曰所噉如此非耕而能飽但才貌不凡堪為貴人可

御覽三百
七十七

以一縣試之繇是拜達陵長其有治績
隆安四年南燕建平南涼禿髮利鹿建和元年西涼李嵩庚子元年涼州人胡安據盜發掠州人張駿墓見駿貌如生得赤玉簫紫玉笛初學記
十六

涼州胡安據盜發張駿墓得珊瑚馬鞭馬珎鍾黃金勒御覽三
百五十八

蕭方等三十國春秋

三

廣雅書局宋

十一月北涼李嵩自稱涼公燉煌太守李嵩表于段業嵩稱盡忠不貳橫為李嗣所讒請業殺嗣嵩自歸司敗業乃殺嗣遣使謝嵩初嗣與嵩結刎頸之交嗣常以宗族託嵩曰我身猶子身勿為疑也及是嵩反為嗣所構嵩乃恨之御覽四
百八

隆安五年燕慕容熙光始元年涼呂隆神鼎元年北涼沮渠蒙遜永安元年後梁當作涼呂超殺其君纂后楊氏國色超將妻之謂其父恆曰后若自殺禍必及宗恆以此言告后后曰大人本

賣女與氏羌以圖富貴一之以甚其可再乎恆不能彊乃自殺御覽三
百八十三

李嵩於南門外臨水起堂名曰靖恭堂以議朝政閱武事堂成圖讚自大明王忠宣孝子貞女嵩自為序以明鑒戒文武羣僚

亦皆圖焉是月白雀翔於靖恭堂嵩頌之御覽百七十六
此引作三十國春秋

西涼
傳

元興二年魏天賜元年
劉裕等起兵討桓玄誅之帝復位王謐與眾議推劉裕領揚州裕辭乃以謐為侍中領揚州初裕名位微薄盛流不知謐獨奇之裕嘗與刁達搏蒲輸直達縛之馬柳謐代還之由是德謐

蕭方等曰夫蛟龍潛伏魚蝦襲之是以漢高赦雍齒魏武免

梁鵠安可以布衣之嫌而成萬乘之隙哉今王謐為公刁達亡

族酷恩報怨何其狹哉通鑑攷異晉
紀三十五

義熙元年南燕慕容超太元
年西涼建初元年盧循為廣州刺史循還劉裕益

智棕裕乃答以續命湯御覽九百七十二
引作三十六國春秋

高句驪以千里馬生罷皮障泥獻於南燕燕王超大悅答以水

蕭方等三十國春秋

三

廣雅書局宋

牛能言鳥御覽三百
五十九

義熙三年燕高雲正始元年夏赫連勃勃龍升元年燕王熙后苻氏卒徒跣送葬馮跋拒而弑之立雲燕王慕容熙后苻氏嘗季夏患凍魚膾仲冬須生地黃皆有司切責之不得加之以

辟焉御覽
十一

義熙五年魏拓跋嗣承興元年燕馮跋太平元年西秦更始元年劉裕攻南燕得燕人張綱治攻具既成設飛橋懸梯破以牛皮火石不能害攻城之士得肆力焉御覽三百
三十六

義熙六年丁亥中軍劉裕悉眾攻燕眾咸諫曰今往亡日兵家所忌裕曰我往彼亡吉孰大焉乃命悉登遂剋之燕王慕容超走追獲焉裕責以不降之罪超神色自若無餘言唯以母託劉

敬宣而已 蕭方等曰美哉其言也言必已親終不忘孝可謂
人之將死其言也善信乎 御覽三百二十六

徐道覆聞劉裕北伐勸盧循襲建康盧循寇京邑芙蓉艦千餘
艘 初學記二十五

朝廷急徵裕裕引兵還劉裕次山陽聞何無忌敗績卷甲兼行
將濟江而風急眾咸難之裕曰若有天命風當自息如其天不
助舟覆溺何足可怪即命登舟舟移而風止 御覽六十

義熙七年以劉裕為太尉中書監裕既拜朝賢畢至僕射謝混

後來衣冠傾縱頗有傲慢之容裕甚不平乃謂之曰何謂苟若
無人混對曰明公將隆伊周之化方使四海解衿謝混何人而
敢獨異乎乃以手板披撥其衿領悉皆解散裕大悅 御覽四百六十四

蕭方等三十國春秋

唐雅書局宋

義熙八年西秦乞伏熾磐永康元年北涼玄始元年 劉毅為

荊州請從弟藩以自副劉裕以詔書罪狀毅與藩及謝混共謀

不軌賜藩混死帥師襲荊州殺毅安帝時以劉鎮之為散騎常

侍光祿大夫不受鎮之毅季父義熙初謂毅及藩曰汝輩才力

勢運足以得志當身爭耳我不就汝求位求財又不受汝罪累

每見毅等道從吏卒到門輒罵詬之毅甚敬畏每未至宅數百

步止與白衣數人而進儀衛悉不自隨及至毅敗無不服其先

見而劉裕甚敬遇之 御覽五百一十二

晉義熙九年夏鳳翔元年盜發故驃騎將軍下壺墓剖棺掠之

壺尸面如生兩手悉拳爪生達背 御覽五百五十七

義熙十一年二月姚興卒 通鑑攷異晉紀三十九

義熙十三年西涼李歆嘉興元年秋七月太尉裕克秦入長安
士鎮惡隨宋高祖入關中初鎮惡流寓嶠嶺嶠人李方厚待
之鎮惡曰待吾仁英雄主取萬戶侯乃厚相報方笑曰本縣足
矣鎮惡力不絕人不閑弓馬略通諸子兵書縱橫有智計以此
成名及是李方尚在鎮惡昇堂拜母拔方澠池令 御覽四百八
晉安帝時郭逸妻以大竹杖打逸前妻之子子死妻因棄市如
常刑 御覽五百一十一

恭帝

元熙元年夏王勃勃自號真興元年夏刻石都南頌其功德曰
我皇誕命世之期應天縱之德 德載記 仰協時來俯從民望 載記
作俯順 屬姦豪鼎峙之際羣凶岳立之秋 載記姦豪作姦雄 故
時望

蕭方等三十國春秋

唐雅書局宋

運籌命將舉無遺策親御六戎即有征無戰五稔之閒而治風

宏開矣 御覽二百二十二

元熙二年西秦乞伏熾磐建弘元年西涼李恂永建元年西涼

從事中郎將張願 一作 言於涼王曰太祖以天挺神姿應桓文

之運流劉萬里為西夏所推平西域兵不血刃取酒泉有易俯

拾為殿下開創崇規貽厥承謀者也 御覽二百二十二

順德曾廣華初校

巴陵方朝梁覆校

陽湖吳翊寅再覆校

蕭方等三十國春秋

唐雅書局宋

武敏之三十國春秋

黔縣湯球輯

宋文帝元嘉十三年殺檀道濟及其參軍高進之與薛彤高進之沛國人父瓚有拳勇嘗送友人之喪喪反友妻爲土宦所掠瓚挾之殺七人而友妻亦刎頸死遂亡命江湖進之生十三年母劉死葬畢走四方求父不得乃謁征北將軍劉牢之牢之高會進之入幕推上客而踞其坐大飲嚼一坐大驚牢之揖客問所長進之曰善以計數中密事牢之問部下甲兵芻糧進之布指算不爽乃辟行軍司馬居五日進之曰劉公猜而不忍怨而好叛不去必及禍遂去之與下沛薛彤爲友因薛交檀道濟三人者志義相合刑牲盟生死從道濟征桓玄得酋將王雅敗桓

武敏之三十國春秋

廣雅書局

兵於奔牛塘又殺路雍岐得天子旌節與桓所乘舟事平以功讓道濟及國廣固進之作攻具甚精巧事平授廣固相徐羨之仙亮等謀廢立招道濟道濟謀於進之進之曰公欲爲霍光乎爲曹操乎爲霍則廢爲曹則否道濟驚問進之曰公欲輔宋則少帝不廢琅邪王不立天下非宋有也故必廢如欲自取則長亂階逢恩君修德布惠招羅腹心天子非公而誰故必不廢進之此時案牘閒月伺道濟有異言則殺之道濟趨下階叩頭曰武皇帝在上臣道濟如有異心速殛之乃與進之定議不爲戎首亦不相阻也及謝晦反兵銳道濟憂之進之詐道濟書致晦與之連晦喜不設備悉精銳破江下進之遂開道入江陵揚言曰檀江州率重兵敗謝晦於江中斬其首以徇故晦黨聞之解

體部下閉門拒之事平爲司空參軍後到彥之伐魏知其名乞與同行進之告僕曰到公必敗吾言則惑軍否則及難遂請設糧乃免道濟晚年懼禍其夫人劉遣婢問進之進之曰道家戒盈滿禍或不免然司空功名蓋世如死得所亦不相負夫人泣語道濟道濟意狐疑亡何被收道濟曰光如炬脫幘投地曰壞汝萬里長城薛彤曰身經百戰死非意外事進之掀髯笑曰累世農夫父以義死友子以忠死君此大宋之光坐地就刑神色不變進之無眷屬僕魯健從進之死故无收其尸者薛彤下沛人死後其子負骨歸葬求進之骨不得以其帶同父棺葬焉見高

武敏之三十國春秋

廣雅書局

宋書 家範方等三十國春秋隋志云起漢建安訖晉元熙之中與書曰云起宣帝迄恭帝皆不云及宋時事則此爲武敏之之書無疑故姑錄之以俟攷

武敏之三十國春秋

順德曾廣華初校
巴陵方朝梁覆校
陽湖吳翊寅再覆校

十六國春秋

崔鴻本傳

北齊 中書令兼著作郎 收奉

詔撰

崔鴻字彥鸞東清河欽人也曾祖曠從慕容德南渡河居青州慕容氏滅事宋文帝爲樂

守祖靈延仕宋武帝龍驤將軍長廣太守

宗時魏平三齊靈延與長子光並徙代光以高

祖太和中拜中書博士遷中書黃門侍郎兼侍

中勅與李彪撰魏國書世宗卽位正除侍中加

撫軍將軍爲太子傳世宗崩與受遺迎立太子

十六國春秋卷之六

肅宗卽位論功封博平公尋遷司徒進位太保

光弟敬友卽鴻父也仕本州治中後除梁郡太

守會遭所生母憂不拜敬友素精心佛道免喪

遂菜食終世大路設食以供行者鴻少好讀書

博綜經史太和二十年拜彭城國常侍景明中

稍遷尚書都兵郎中詔太師彭城王勰以下公

卿朝士儒學才明者三十人議定律令於尚書

上省鴻與光俱在其中時論榮之永平初爲行

臺鎮南長史遷員外散騎侍郎領郎中延昌三

年以父憂解任甘露降_{十六國春秋}虞前樹復降其宅之庭樹肅宗正光元年爲司徒長史加前將軍修高祖世宗起居注光臨卒言鴻於肅宗詔鴻以本官修緝國書尋卒贈鎮東將軍度支尚書青州刺史鴻弱冠便有著述之志見晉魏前史皆成一家無所措意以劉涓子勒慕容嵩苻健慕容垂姚萇慕容德赫連勃勃張軌李雄呂光乞伏國仁禿髮烏孤李嵩沮渠蒙遜馮跋等竝因世故跨僭一方各有國書未有統一乃撰爲十

十六國春秋

六國春秋勒成百卷因其舊記時有增損褒貶焉鴻二世事江左故不錄僭晉劉蕭之書又恐識者責之未敢出行於外世宗問其撰錄遣散騎常侍趙邕詔鴻曰聞卿撰定諸史甚有條貫便可隨成者送呈朕當於機事之暇覽之鴻以其書有與國初相涉言多失體且旣未訖迄不奏聞後典起居乃妄載其表曰臣聞帝王之興也雖誕應圖錄然必有驅除蓋所以剪彼厭政成此樂推故戰國紛紛年過十紀而漢祖夷殄

十六國春秋

羣豪開四百之業歷文景之懷柔蠶夏世宗之奮揚威武始得涼朔同文梓越一軌於是談遷感漢德之盛痛諸史放絕乃鈐括舊書著成太史所謂緝茲人事光彼天時之義也昔晉惠不競華戎亂起三帝受制於姦臣二皇晏駕於非所五都蕭條鞠爲煨燼趙燕旣爲長蛇遼海緬成殊域窮兵銳進以力相雄中原無主八十餘年遺晉僻遠勢略孤微民殘兵革靡所歸控皇魏龍潛幽代世篤公劉內修德政外抗諸僞并冀之民懷寶之士襁負而至者日月相尋雖邠岐之赴太王謳歌之歸西伯實可同年而語矣太祖道武皇帝以神武之姿接金行之運應天順民龍飛受命太宗必世重光業隆玄默世祖雄才敵畧闡曜威靈農戰兼修掃清氛穢歲垂四紀而寰宇一同僭耳文身之長卉服斷髮之苗莫不請朔率職重譯來庭隱愍鴻濟之澤三樂擊壤之歌百姓始得陶然蘇息欣於堯舜之代自晉永寧以後雖所在稱兵競自尊樹而能

建邦命氏成爲戰國者十有六家善惡興滅之
形用兵乖會之勢亦足以垂之將來昭明勸戒
但諸史殘缺體例不全編錄紛謬繁畧失所宜
審正同異定爲一書伏惟高祖以大聖應期欽
明御運合德乾坤同光日月建格天之功創不
世之法開鑿生民維新大造陛下以青陽繼統
獻武承天應符屈已則道高三五順神至境則
洞彼玄宗剖判百家斟酌六籍遠邁石渠美深
白虎至如遵禮革俗之風昭文變性之化固以

十六國春秋

卷之四

四

感彼禽魚穆茲寒暑况愚臣沐浴太和懷音正
始而可不勉強難革之性砥礪木石之心哉誠
知敏謝允南才非承祚然國志史考之美竊亦
輒所庶幾始自景明之初搜集諸國舊史屬遷
京甫爾率多分散求諸公私驅馳數歲又臣家
貧祿微唯任孤力至於紙盡書寫所資每不周
接暨正始元年寫乃向備謹於吏案之暇草率
構此區分時事各繫本錄破彼異同凡爲一體
約損煩文補其不足三家五門之類一事異年

之流皆稽以長歷考諸舊志刪正差謬定爲實
錄商較大畧者春秋百篇至三年之末艸成九
十五卷唯常璩所撰李雄父子據蜀時書尋訪
不獲所以未及繕成輒筆私求七載於今此書
本江南撰錄恐中國所無非臣私力所能終得
其起兵僭號事之始末乃亦頗有但不得此書
懼簡畧不成久思陳奏乞勅緣邊求採但愚賤
無因不敢輕輒散騎常侍太常少卿荊州大中
正臣趙邕忽宜明旨勅臣送呈不悟九臯徵志

十六國春秋

卷之五

五

乃得上聞奉敕欣惶慶懼兼至今謹以所訖者
附臣邕呈奏臣又別作序例一卷年表一卷仰
表皇朝統括大義俯明愚臣著錄微體徒竊慕
古人立言美意文致疎鄙無一可觀簡御之日
伏深慚悸鴻意如此然自正光以前不敢顯行
其書自後以其伯光貴重當朝知時人未能發
明其事乃頗相傳讀亦以光故執事者遂不論
之鴻經綜既廣多有違謬至如太祖天興二年
姚興改號弘始而鴻以爲改在元年太宗永興

二年慕容超禽於廣固鴻又以爲事在元年太
 常二年姚泓敗於長安鴻亦以爲滅在元年如
 此之失多不考正子子元祕書郎後永安中乃
 奏其父書稱臣亡考故散騎常侍給事黃門侍
 郎前將軍齊州大中正鴻不殞家風式續世業
 古學克明在新必鏡多識前載博極羣書史才
 富洽號稱籍甚年止壯立便斐然懷著述意正
 始之末任屬記言撰緝餘暇乃刊著趙燕秦夏
 西涼乞伏西蜀等遺載爲之贊序夢貶評論先
 十六國春秋
 朝之日艸構悉了惟有李雄蜀書搜索未獲闕
 茲一國遲畱未成正光三年購訪始得討論適
 訖而先臣棄世凡十六國名爲春秋一百二卷
 近代之事最爲悉備未曾奏上弗敢宣流今繕
 寫一本敢以仰呈儻或淺陋不回庸賞乞藏秘
 閣以廣異家子元後謀反事發逃竄會赦免尋
 爲其叔鵬所殺

十六國春秋總目

仁和十汪日桂 一之 重訂

卷第一

前趙錄一

卷第二

前趙錄二

卷第三

前趙錄三

卷第四

前趙錄四

前趙錄四

卷第五

前趙錄五

卷第六

前趙錄六

卷第七

前趙錄七

卷第八

前趙錄八

卷第九

前趙錄九

卷第十

前趙錄十

卷第十一

後趙錄一

卷第十二

後趙錄二

卷第十三

後趙錄三

後趙錄三

卷第十四

後趙錄四

卷第十五

後趙錄五

卷第十六

後趙錄六

卷第十七

後趙錄七

十六國春秋

卷第十八

後趙錄八

卷第十九

後趙錄九

卷第二十

後趙錄十

卷第二十一

後趙錄十一

卷第二十二

後趙錄十二

後趙錄十二

卷第二十三

前燕錄一

卷第二十四

前燕錄二

卷第二十五

前燕錄三

卷第二十六

前燕錄四

十六國春秋